

БЕКІТЕМІН
«Бірінші болу – батылдық» корпоративтік қорының
атқарушы директоры



/С.Н. Қазыбаева
«08» қаңтар 2024 жыл

«Winter Run» 2024
жүгіру жарысын өткізу туралы
ЕРЕЖЕ

Алматы қ.
2024 ж.

«Winter Run» 2024 жүгіру жарысын өткізу туралы ЕРЕЖЕ

1. ЖАРЫСТЫ ӨТКІЗУ МАҚСАТТАРЫ

«Winter Run» 2024 (бұдан әрі – «Жарыс») – маусымды ашатын негізгі 10 км қашықтығы, 7 км скандинавиялық жүріс, 3 км балалар қашықтығы жыл сайынғы жүгіру жарысы. Алматы қаласының әрбір тұрғыны мен қонағы қатыса алатын жүгіру және спорт әуесқойларының қалалық мерекесі.

Жарысты өткізу мақсаттары:

- жүгіруді және скандинавиялық жүрісті насихаттау;
- жүгірушілерді халықаралық марафон жарыстарына дайындау;
- дені сау ұлт қалыптастыру;
- бұқаралық спортты дамыту;
- Алматы қаласының тұрғындары мен қонақтары арасында салауатты өмір салтын насихаттау;
- зиянды әдеттерден (темекі шегуден) бас тарту;
- ерекше қажеттіліктері бар балалар арасында спортты қолдау және дамыту.

2. ЖАРЫСТЫ БАСҚАРУШЫ ҰЙЫМ

2.1. Жарысты өткізу кезінде жалпы басшылықты «Бірінші болу – батылдық» корпоративтік қоры жүзеге асырады.

2.2. Жарысты дайындау мен өткізуді ұйымдастыру «Бірінші болу – батылдық» корпоративтік қорының Ұйымдастыру комитетіне (бұдан әрі – «Ұйымдастыру комитеті») жүктеледі.

3. ЖАРЫСТЫҢ ӨТЕТІН ОРНЫ МЕН УАҚЫТЫ

3.1. Жарыстың өтетін күні мен уақыты: 2024 жылғы «25» ақпан, сағат 07.00-ден 12.00-ге дейін

3.2. Жарыстың өтетін орны: Алматы қаласы.

Барлық қашықтықтардың сөресі мен мәресі: Нұрлы Тау БО

4. ЖАРЫС ҚАШЫҚТЫҚТАРЫ ЖӘНЕ ЖАС САНАТТАРЫ

4.1. Жарыс бағдарламасына мына қашықтықтар енгізілді:

- 10 км қашықтығы;
- 7 км скандинавиялық жүріс;
- 3 км балалар қашықтығы.

4.2. Жарыстың жас санаттары:

4.2.1. Марафонның жас санаттары (10 км):

- 15-24 жас;
- 25-29 жас;
- 30-39 жас;
- 40-49 жас;
- 50-59 жас;
- 60-69 жас;
- 70 жастан жоғары.

4.2.3. 7 км скандинавиялық жүріс қашықтығының жас санаттары:

- 15 жастан жоғары;

4.2.4. 3 км балалар қашықтығының жас санаттары

- 10-12 жас;
- 13-14 жас;

5. ЖАРЫС ҚАТЫСУШЫЛАРЫ

5.1. Жарысқа қатысуға мына жас санаттарындағы адамдар жіберіледі:

- 10 км қашықтығы – 15 және одан жоғары жастағы қатысушылар;
- 7 км скандинавиялық жүріс – 15 және одан жоғары жастағы қатысушылар;
- 3 км балалар қашықтығы – 10 жастан бастап 14 жасқа дейінгі қатысушылар.

5.2. Жарысқа тіркеу кезінде Жарыс өтетін кездегі толық жас мөлшері есепке алынады.

6. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ

6.1. Жарысты ұйымдастыру және өткізу шығындарын Ұйымдастыру комитеті көтереді.

6.2. Жарыстың жол жүрумен, орналасумен және тамақтанумен байланысты шығындарын қатысушыларды іссапарға жіберген ұйымдар немесе Жарысқа қатысушылардың өздері көтереді.

7. ҚАТЫСУШЫЛАРДЫ ТІРКЕУ ЖӘНЕ ЖАРЫСҚА ҚАТЫСУҒА РҰҚСАТ БЕРУ

7.1. Жеке қашықтықтағы жарыстарға қатысушыларды тіркеу (10 км, 7 км скандинавиялық жүріс, 3 км – балалар қашықтығы) **2024 жылдың «08» қаңтарынан бастап: www.almaty-marathon.kz** интернет-сайтында жүзеге асырылады және **2024 жылдың «16» ақпанында** немесе 2400 (екі мың төрт жүз) қатысушыға жеткенде аяқталады.

7.2. Жарыстың корпоративтік қатысушыларын тіркеу info@almaty-marathon.kz электронды поштасына сұраным жолдау арқылы жүзеге асырылады. Бір компаниядан Жарысқа қатысушылар саны 30 (отыз) адамнан артық болуы тиіс. Жарысқа қатысушылар саны 30 (отыз) адамға жетпейтін Ұйымдар / Компаниялар www.almaty-marathon.kz интернет-сайтында өз бетінше тіркеледі.

Корпоративтік қатысушылар – Жарысқа қатысу ақысын ұйымдастыру комитетінің есеп айырысу шотына ақша аудару арқылы қатысушылардың ұйымы / компаниясы төлейтін жеке қашықтықтардағы (10 км, 7 км скандинавиялық жүріс) қатысушылар. Тіркеу корпоративтік қатысушылардың өкілінен электронды поштаға сұраным жіберу және арнайы нысанды толтыру негізінде жүзеге асырылады.

7.3. www.almaty-marathon.kz интернет-сайтында онлайн-тіркеу рәсімінен өтіп, жүгіру Жарысының нақты бір қашықтығына тіркелу фактісі бойынша берілген ID нөміріне сәйкес сөрелік жарнаны төлеген қатысушы Жарысқа тіркелген болып саналады. Жарысқа қатысушылар тізіміне тек ақысы төленген өтінімдер ғана енгізіледі.

7.4. **Жарысқа қатысушы тіркелу және сөрелік жарнаны төлеу арқылы Жарысты өткізу туралы осы Ереженің барлық талаптарымен келіседі.**

7.5. **Жарыс қашықтықтарының сөрелік жарналарының құны:**

- 10 км қашықтығы – 8 000 (сегіз мың) теңге;
- 7 км скандинавиялық жүріс – 8 000 (сегіз мың) теңге;
- 3 км балалар қашықтығы – 6 000 (алты мың) теңге.

7.6. **Жарыста қашықтықты ауыстыру 2024 жылғы «14» ақпанына дейін қоса алған кезеңде ғана мүмкін болады.** Жарысқа қатысу слоты сатып алынып қойған жағдайда, Ұйымдастыру комитетіне хабарласып, Жарыс қашықтығын ауыстыру үшін 1 000 (бір мың) теңге төлеу қажет. Жарыс қашықтығы аздан көпке ауыстырылған жағдайда, слоттар құнының айырмасы да қосымша төленеді. **Жарыс қашықтығы көптен азға ауыстырылған жағдайда, слоттар құнының айырмасы қайтарылмайды!** Жарыс қашықтығы таңдалған Жарыс қашықтығында бос слоттар болған жағдайда ғана ауыстырылады.

7.7. **Жарысқа қатысу үшін төленген қаражат қайтарылмайды.** Дұрыс емес немесе басқа біреудің ID нөміріне жіберілген қаражат **қайтарылмайды** және Жарыстың басқа қатысушысына, сондай-ақ «Бірінші болу – батылдық» КҚ-ның басқа Жарысына қатысу ақысы ретінде аударылмайды. **Сөрелік нөмірді басқа адамға қайта ресімдеу мүмкін емес.**

7.8. Қатысушының сөрелік нөмірі қайтарылмайды және айырбасталмайды.

7.9. **Сөрелік нөмірі жоқ қатысушылар Жарысқа жіберілмейді!**

7.10. Жарысқа қатысушының сөрелік нөмірі анық көрінуі тиіс. Жарысқа қатысушы сөрелік нөмірді алдыңғы жақта кеуде тұсында немесе бел буатын белдікте орналастыруы тиіс.

7.11. **Жарысқа басқа біреудің нөмірімен қатысуға тыйым салынады!** Сөрелік нөмірлерді басқа адамдарға беру фактісі анықталған жағдайда, нөмірді берген Жарыс қатысушысы мен басқа біреудің нөмірін алған Жарыс қатысушысы осы Жарысқа қатысудан шеттетіліп, нәтижесінің күші жойылады. Келесі 3 (үш) Жарысқа да қатысуға рұқсат етілмейді.

7.12. Жарысқа құлаққапшен қатысуға тыйым салынады.

7.13. Мүгедектер арбасындағы, қол жетекті велосипедтегі қатысушылар, балаларға арналған арнайы жүгіру арбаларындағы қатысушылар жеке кластерден сөреге шығады. Кластерге кіру үшін 2024 жылғы 16 ақпан күнгі сағ. 18:00-ге дейін info@almaty-marathon.kz адресіне алдын ала өтінім жіберу қажет. Арбадағы қатысушыда, сондай-ақ оны алып жүретін адамда 2024 жылғы «Winter Run» сөрелік нөмірі болуы міндетті

7.14. Жүгіру арбасындағы баласы бар спортшылардың қатысуына қойылатын талаптар. Арбада алып жүретін адамның қолына бекітілетін қауіпсіздік белдігі, үрлемелі доңғалақтары болуы тиіс, бала қауіпсіздік белдігімен бекітілуі, алдыңғы доңғалақтары белгілі бір қалыпта бекітілген болуы тиіс.

7.15. Мүгедектігі бар қатысушылар қатысу слотын тегін ала алады. Бұл үшін 2024 жылғы 16 ақпан дейін info@almaty-marathon.kz адресіне өтінім жіберу қажет. Өтінімде осы шараға тіркелген ID нөмірі, қатысушының аты-жөні, қашықтығы, сондай-ақ мүгедектігін растайтын құжаттары көрсетілуі тиіс. Алып жүретін адам қатысу ақысын өзі төлейді. Мүгедектігі бар қатысушыларға арналған слоттар саны шектеулі. Барлық тегін слоттар алынып қойған жағдайда, Ұйымдастыру комитеті спортшыға тегін қатысу мүмкіндігін бермеу құқығын өзіне қалдырады.

8. СӨРЕЛІК ЖИНАҚТАРДЫ БЕРУ

8.1. Жарысқа қатысушылар үшін сөрелік жинақтарды беру 2024 жылғы «23» ақпаннан бастап «24» ақпанды қоса алғанда, сағат 10.00-ден 20.00-ге дейін жүзеге асырылады. Мекенжайы: Алматы қ. Беру орнының нақты мекенжайы кейінірек жарияланатын болады.

Назар аударыңыз! Жарыс қатысушыларына сөрелік жинақтар басқа күндері берілмейді

8.2. Қатысушының сөрелік жинағына сөрелік нөмір, нәтижені тіркеуге арналған чип, қатысушы жадынамасы, түйреуіштер кіреді.

8.3. Жарыстың корпоративтік қатысушылары сөрелік жинақтарын Жарысты өткізу туралы осы Ереженің 8.1-тармағында көрсетілген сөрелік нөмірлерді беру уақытында **2024 жылғы «23» және «24» ақпан күндері** ала алады. Жарысқа қатысушылардың сөрелік жинақтарын алу үшін сөрелік жиынтықты алатын тұлғаға өзінің жеке куәлігінің көшірмесін, сондай-ақ жеке куәліктерінің көшірмесін/көшірмелерін және басқа Қатысушылар өз қолымен қол қойған денсаулық туралы қолхаттарды ұсыну қажет. **Сөрелік жинақты алатын тұлға Жарысқа қатысушылардың бір ретте 5 (бес) сөрелік жинақтан артық ала алмайды (өзінің сөрелік жинағын қоса алғанда).**

8.4. Жарысқа қатысушылар бір мезгілде мына құжаттарды ұсынған жағдайда ғана жарысқа жіберіледі:

18 жасқа толмаған қатысушылар үшін:

- Жеке куәлік (түпнұсқасы немесе электронды форматта) / туу туралы куәлігінің көшірмесі;
- Жарысқа қатысуға рұқсат беретіндігі туралы ата-ананың/қамқоршылардың (қамқоршының) қолхаты;
- Қолхатқа қолдарын қойған ата-ананың/қамқоршылардың (қамқоршының) жеке куәлігі (түпнұсқасы немесе электронды форматта).

18 жастан асқан қатысушылар үшін:

- Жеке куәлік (түпнұсқасы немесе электронды форматта);
- Денсаулық туралы қолхат (жазбаша немесе электронды форматта).

Барлық құжаттар қағазға басып шығарылған күйінде электронды форматта ұсынылуы тиіс.

Қатысушылар «Алматы Марафоны» сайтында денсаулық туралы қолхатқа онлайн қол қоя алады немесе сөрелік жиынтықтар берілген күні QR-кодтың көмегімен қол қоя алады. Деректерге қол қою үшін электрондық цифрлық қолтаңбаның (ЭЦҚ) белсенді кілттері бар Egovmobile қосымшасын пайдалану қажет.

Егер қатысушы денсаулық туралы қолхатқа электронды түрде қол қойса, онда қағаз қолхат талап етілмейді.

8.5. Жарысқа Қатысушы сөрелік жинағын өзі алып кете алмайтын жағдайда, оны сөрелік жинақ берілетін күні өз жеке куәлігін (түпнұсқасын немесе электронды форматта), сөрелік жинағы алынатын қатысушының жеке куәлігін (түпнұсқасын немесе электронды форматта) және Жарысқа қатысушының атынан жазылған денсаулық туралы қолхатты көрсету арқылы басқа адам алып кете алады.

8.6. Қатысушы слотты сатып алған, бірақ ауырып қалуына, жарақат алуына, басқа қалаға, іссапарға кетуіне, жұмыс ауысымына байланысты жарысқа шыға алмайтын жағдайда, қатысушы таңдаған километражына сәйкес қашықтықты басқа уақытта немесе басқа жерде жүгіріп өтіп, жарыстан кейін 2 (екі) аптаның ішінде медалін «Бірінші болу – батылдық» КҚ офисінен алып кете алады. Оны алу үшін жүгіру жазбасы бар онлайн трекерді, сондай-ақ жарыста болмау себебін растайтын құжатты (еңбекке уақытша жарамсыздық парағы, дәрігердің қорытындысы, іссапар туралы бұйрық/іссапар куәлігі, ұшаққа отырғызу талондарының көшірмелері) және қатысушының жеке куәлігінің фотосуретін немесе түпнұсқасын көрсету қажет. Мәжбүрлі онлайн қатысуға өтінімді спортшы 2024 жылғы 23 ақпан күнгі сағ. 20:00-ге дейін info@almaty-marathon.kz поштасына жіберуі тиіс.

8.7. Қатысушы өзінің сөрелік жинағын білмесе / ұмытып кетсе / алуға үлгермеген болса, жарыс өткеннен кейін онлайн-трекер бойынша медаль беру мүмкін болмайды.

8.8. Басқа жағдайлар 2024 жылғы 24 ақпан күнгі сағ. 14:00-ге дейін info@almaty-marathon.kz поштасына өтінім берген кезде жеке қарастырылады.

9. ЖАРЫСТАР БАҒДАРЛАМАСЫ (кейінірек жарияланады)

9.1. Қашықтықтарды жүгіріп өтуге арналған уақыт шектеулері

10 км қашықтықтан жүріп өтуге арналған уақыт шектеуі – 2 сағат 00 минут,

Скандинавиялық жүріс қашықтығын жүріп өтуге арналған уақыт шектеуі – 2 сағат 00 минут.

3 км қашықтықтан жүріп өтуге арналған уақыт шектеуі – 00 сағат 30 минут.

10. САҚТАУ КАМЕРАСЫ

10.1. Ұйымдастырушы Қатысушы сөмкесінің ішіндегі заттарға жауапты болмайды.

10.2. Сақтау камерасына шабаданнар, ірі көлемді сөмкелер қабылданбайды.

10.3. Сақтау камерасына бағалы заттарды, ақшаны, әшекейлерді өткізбеуге кеңес береміз. Ұйымдастыру комитеті сөмкелердегі заттардың жоғалғаны туралы кінәрат-талаптарды қарастырмайды.

10.4. Затты сақтау камерасына өткізген кезде қатысушы сөрелік нөмірге бекітілетін стикерді алады. Стикер жоғалған жағдайда, сөмке Қатысушыға жарыс өткен күні берілмейді. Сөмкені іс-шара аяқталғаннан кейін бір апта ішінде алуға болады. Міндетті түрде сөмкенің ішіндегі заттарды нақты тізімдеу керек. Беру орны кейінірек ресми ақпарат көздерінде көрсетіледі.

11. НӘТИЖЕЛЕРДІ ЕСЕПТЕУ ЖӘНЕ ЖАРЫС ЖЕҢІМПАЗДАРЫН АНЫҚТАУ

11.1. Жарыс қашықтықтары бойынша жарыс қатысушыларының нәтижесі Жарыстың электронды хронометраж жүйесінде тіркеледі және оны Жарыстың төрешілер алқасы растайды. Жарыс қашықтықтары бойынша жарыс жеңімпаздары мен жүлдегерлерін анықтау мәре сызығына жету фактісі бойынша жүзеге асырылады.

11.2. Жарыс қашықтықтары бойынша жарыс жеңімпаздары мен жүлдегерлерін анықтау World Athletics ережелеріне сәйкес жүзеге асырылады.

11.3. Жарыстың ресми нәтижелері Жарыс аяқталғаннан кейін 24 (жиырма төрт) сағат ішінде www.almaty-marathon.kz интернет-сайтында жарияланады.

Қатысушылардың Жарыс ережелерін бұзғаны туралы ақпарат алынғаннан кейін Ұйымдастыру комитеті фото/бейнежазбаны талдау арқылы бұқаралық іс-шараны өткізу орнын қайта тексеруге құқылы және, қатысушылардың Жарыс ережелерін бұзғаны анықталған жағдайда, қорытынды хаттаманы өзгерту туралы түпкілікті шешім шығаруға құқылы.

11.4. Жарысқа қатысушының нәтижесі сөрелік нөмір дұрыс орналасқан жағдайда ғана тіркеледі.

11.5. Жарыстың Ұйымдастыру комитеті төмендегі жағдайларда Жарысқа қатысушылардың әрқайсысы жеке нәтижесін 100% алатынына кепілдік бермейді:

- Чип дұрыс бекітілмегенде;
- Чип магнитсізденгенде;
- Чип киіммен немесе басқалай жабылғанда;
- Жарыстың Төрешілер алқасының шешімі бойынша Жарыстан шеттетілгенде;
- Қатысушы чипті зақымдап алғанда.

11.6. Қорытынды шығару кезінде қолданылатын терминология:

- DNS – Did not start (қатысушы сөреге пықпады)
- DNF – Did not finish (қатысушы мәреге жетпеді)
- DSQ – Disqualified (қатысушы Жарыстан шеттетілді)
- CR – Championship Record (жарыстар рекорды)
- GUN TIME – Қатысушының мәреге жету уақыты. Сөре белгісінің берілуінен бастап қатысушының мәре төсеніштерін кесіп өтуіне дейінгі уақыт
- CHIP TIME – Қатысушының жеке уақыты. Қатысушының сөре төсеніштерін кесіп өтуінен бастап мәре төсеніштерін кесіп өтуіне дейінгі уақыт

МАҢЫЗДЫ! Жеңімпаздар мен жүлдегерлер қатысушының GUN TIME мәреге жету уақыты бойынша анықталады.

12. ЖАРЫС ЖЕҢІМПАЗДАРЫН МАРАПАТТАУ

12.1. 10 км жүгіру, ерлер мен әйелдер арасындағы қатысушыларды жас санаттары бойынша 1-3 орын иеленгені үшін марапаттау. Жарыстың осы қашықтықтағы жеңімпаздары мен жүлдегерлері медаль, грамота және бағалы сыйлықтар алады. Жарыстың осы қашықтықтағы абсолютті есептің жеңімпаздары грамота, медаль және ақшалай сертификат алады.

12.2. 3 км жүгіру, балалар қашықтығы, жас санаттарында 1-3 орын иеленгені үшін ұлдар мен қыздар арасындағы қатысушыларды марапаттау. Жарыстың осы қашықтықтағы жеңімпаздары мен жүлдегерлері медаль, грамота және бағалы сыйлықтар алады. Жарыстың осы қашықтықтағы абсолютті есептің жеңімпаздары грамота, медаль және ақшалай сертификат алады.

Жарыс қашықтығының барлық мәреге жеткен (уақыт шегінде келген) қатысушылары мәресінің естелік медалін алады.

12.3. «7 км скандинавиялық жүріс» қашықтығы бойынша марапаттау жүргізілмейді.

12.4. Жарыс қашықтықтарында мәреге жеткен (шектеулі уақытта келіп үлгерген) барлық қатысушылар мәресінің естелік медалін алады.

12.5. Ақшалай жүлделер Жарыс өткеннен кейін 15 (он бес) жұмыс күні ішінде Жарыс жеңімпазының жеке банктік шотына аудару арқылы беріледі. Алу үшін Жарыс жеңімпазы Жарыс өткізілгеннен кейін 3 (үш) жұмыс күні ішінде info@almaty-marathon.kz электронды поштасына мына құжаттарды жіберуі тиіс:

- **Резиденттер үшін:**

- Банктік шоттың болуы туралы анықтаманы, сондай-ақ жеке басты куәландыратын құжаттың көшірмесін;

- **Бейрезиденттер үшін:**

- Жеке басын куәландыратын құжаттың көшірмесі, банктің атауы, банк бөлімшесінің мекенжайы және сіз ақша алатын қаланың атауы.

12.6. Егер Жарысқа қатысушы Жарыс кезінде жүлделі орын иеленгені үшін сыйлықтарды алмаған жағдайда, ол оларды жарыс өткізілгеннен кейін 10 (он) жұмыс күні ішінде ала алады. Нақты беру орны кейінірек жарияланады.

Жарысқа қатысушы сыйлықтарды өздігінен алып кете алмайтын және оларды алуды сенімді адамға табыстай алмайтын жағдайда, Жарыс жеңімпазы info@almaty-marathon.kz электронды поштасына Ұйымдастыру комитеті алушының есебінен сыйлықтарды жолдай алатын мекенжайды жіберуі тиіс.

Бұл опция тек Қазақстан Республикасының резиденттері үшін қолжетімді.

12.7. Мерзім аяқталғаннан кейін Ұйымдастырушы жеңімпаздарға сыйлықтарды бермеу құқығын өзіне қалдырады.

13. ЖАРЫС МАРШРУТЫНДА ӨЗІН ҰСТАУ ЕРЕЖЕЛЕРІ

Жарыс World Athletics (бұдан әрі – WA) Ережелері бойынша өткізіледі

13.1. Біздің ұсынымдарымыз:

- Екі және одан көп қатысушылармен бір қатарда жүгірмеу.
- Жай жүруге көшкенде жолдың оң жағын ұстану.

13.2. Мыналарға тыйым салынады:

- Арбадағы спортшылардан және балаларға арналған арнайы жүгіру арбалары бар қатысушылардан басқа барлық адамдарға кез келген механикалық қозғалыс құралдарын (самокат, велосипед, роликтер және т.б.) пайдалануға.
- Жарысқа құлаққаппен қатысуға. Қатысушы басқа қатысушылардың, төрешілердің, ұйымдастырушылардың және Жарысты ұйымдастыруға тартылған басқа да адамдардың ескертулерін естуге міндетті.
- Жануарлармен қатысуға.
- Алкогольден немесе есірткіден масаю күйінде қатысуға.
- Басқа қатысушыларға қауіпті болуы мүмкін кез келген заттармен қатысуға.
- Серуендеу арбаларымен қатысуға.
- Трассада тоқтауға. *Өзін нашар сезінген жағдайда, қатысушы мүмкіндігінше Жарыстың басқа қатысушыларының қозғалысына кедергі келтірмей, жарысқа қатысуын тоқтатып, жол шетіне шығуы қажет.*
- Қатысушылардың қозғалысына және жарысты ұйымдастыруға басқа да тәсілдермен кедергі жасауға.
- Қатысушы тамақ немесе сусын алып жатқан кезде команданың ресми тұлғаларының немесе басқа адамдардың ешқайсысы қатысушының жанында жүруге, жүгіруге, қозғалуға құқылы болмайды.
- Ережені бұзғаны үшін қатысушы жарыстан шеттетілуі мүмкін.

14. ЖАРЫСТАН ШЕТТЕТУ

14.1. Жарыстың Ұйымдастыру комитеті мына жағдайларда Жарыс қатысушысын Жарыстан шеттетуге құқылы:

- қатысушы жүгіруді сөре ресми түрде басталмай тұрып бастады;
- қатысушы жүгіруді сөре аймағы жабылғаннан кейін бастады;
- қатысушы сөреге сөрелік нөмірсіз шықты;
- қатысушы Жарыстың Ұйымдастыру комитетінің, төрешілерінің немесе бас дәрігерінің нұсқаулары мен ескертулеріне назар аудармайды;
- қатысушы Жарыс ережелерін бұзды;
- қатысушы 2 (екі) қашықтықта немесе 2 (екі) және одан көп команданың құрамында жүгірді, бұл қатысушының да, командалардың да Жарыстан шеттетілуіне алып келеді.

14.2. Медициналық көрсеткіштер бойынша жарыс төрешілері берген немесе олардың басшылығымен берілген жағдайлардан басқасында, ресми тамақтану орны болып табымайтын басқа жерден немесе басқа қатысушыдан тамақ немесе су алған қатысушыларға

алдымен төрешінің сары карта көрсетуі арқылы ескерту жасалуы тиіс. Екінші рет ереже бұзғанда, төреші қызыл карта көрсету арқылы қатысушыны жарыстан шеттетугі тиіс;

14.3. Қатысушы Жарыс өтетін кезде бейнекамера, мобильді телефон немесе смартфон, радио, плеер, құлаққап немесе басқа аппаратура ұстағаны немесе пайдаланғаны анықталған жағдайда, ол жарыстан шеттетіледі;

14.4. Жарысқа қатысушылар мына жағдайларда қорытынды хаттамадан шығарылады:

- қатысушы басқа адамға тіркелген басқа біреудің нөмірімен жүгіргенде;
- қатысушы қашықтықты қысқартқанда;
- қатысушы өтінім берілмеген қашықтықты жүгіргенде;
- қатысушы қол астындағы көлік құралын (велосипедті, самокатты, басқаларын) пайдаланғанда;
- қатысушы жүгіруді сөре аймағынан тыс бастағанда;
- қатысушы жүгіруді өз кластерінен бастамағанда;
- қатысушы нақты жарыстың ресми нөмірінсіз жүгіргенде немесе нөмір киімнің астында жасырылғанда;
- осы Ереже қағидаларын бұзғанда.

14.5. Қатысушы шараны ұйымдастырушыларға, төрешіге, волонтерларға қатысты әдепсіз, дөрекі немесе қорлайтын сөздерді қолданғаны үшін жарыстан шеттетілуі мүмкін.

14.6. Жарысқа қатысушылардың рұқсат етілмеген саяси, әлеуметтік және т.б. митингтерді, арандатушылық үндеулерді, саяси үгіттеулерді, наразылық акцияларын, демонстрацияларды өткізуіне, сондай-ақ саяси, әлеуметтік бағыттармен байланысты кез келген атрибуттарды, логотиптерді пайдалануына тыйым салынады. Осы тармақты бұзғаны үшін Қатысушы Қазақстан Республикасының заңнамасына сәйкес жауапты болады.

15. ЖАРЫСТЫҢ ТӨРЕШІЛЕР АЛҚАСЫ

15.1. Жарыстың төрешілер алқасы – төрешілер Жарыс ережелерінің сақталуын, Жарысқа қатысушылар арасындағы спорттық доданың әділ және адал жүргізілуін, ал Жарыс жеңімпазының объективті түрде анықталуын мұқият қадағалайды. Жарысқа қызмет көрсететін барлық спорт төрешілері Жарыстың Төрешілер алқасын құрайды.

15.2. Жарыстың Төрешілер алқасының құрамына мыналар кіреді:

• Жарыстың Бас төрешісі:

Жарыстың Бас төрешісі Жарыстың жекелеген төрешілері арасында міндеттерді бөледі, ал Жарыс аяқталған кезде бас төреші Жарыстың Ұйымдастыру комитетіне ол туралы жазбаша есеп береді.

• Жарыстың Бас хатшысы:

Жарыстың Бас хатшысы хаттамаларды өңдейді және нәтижелерді шығарады, төрешілерді, қатысушыларды және көрермендерді жарыстың барысы туралы хабардар ету үшін қажетті материалдарды уақтылы дайындайды, ал Жарыс аяқталғаннан кейін нәтижелер бойынша жалпы есепті құрастырады.

• Жарыстың сөре-мәре аймағының төрешілері:

Жарыстың сөре-мәре аймағының төрешілері жарыс кезінде ережелердің сақталуы және ешкімнің артықшылықтарға ие болмауы үшін Жарысқа қатысушылардың қашықтыққа кластерлерге сәйкес шығуын қатаң қадағалайды. Мәре түзуінде төрешілер алғашқы 50 (елу) мәрешіні мәре хаттамаларына тіркейді. Хаттамалар нәтижелерді хронометраж жүйесімен салыстырып тексеру үшін Жарыстың Бас төрешісіне ұсынылады.

Жарыстың Төрешілер алқасына кәсіби спортшылар мен мамандарды шақыруға рұқсат етіледі.

15.3. Жарыстың Бас дәрігері:

Жарыстың Бас дәрігері жарыс жолында және Жарыстың сөре-мәре қалашығында медициналық қызметкерлер мен Жарыс волонтерларының жұмысына жетекшілік етеді. Қажет болған жағдайда, Жарыстың Бас дәрігері қатысушыны Жарыстан алып тастай алады.

16. ФОРС-МАЖОР

16.1. Қазақстан Республикасының мемлекеттік органдары/ұйымдары/қызметтері, соның ішінде жергілікті өзін-өзі басқару органдары тарабынан Жарысты өткізуге ресми тыйым

салынған жағдайда, Жарыс кейінірек мерзімге ауыстырылады. Жарысқа қатысушылардың осыған дейін төлеген барлық сөрелік жарналары автоматты түрде Жарыс өтетін жаңа күнге ауыстырылады. Жарысты өткізудің нақты (жаңа) күнін Ұйымдастыру комитеті қатысушыларға осы Ереженің 19-бабында көрсетілген Ұйымдастырушының Ақпараттық дереккөздерінде осы ақпаратты орналастыру, сондай-ақ Жарысқа тіркелу кезінде Жеке кабинетте көрсетілген Қатысушының жеке поштасына хабарламалар жіберу арқылы кейінірек хабарлайды.

16.2. Қазақстан Республикасының қабылданған мемлекеттік нормативтік-құқықтық актілеріне байланысты Жарыстың басқа елден келетін шетелдік қатысушысы Жарыстың басталу қарсаңында Қазақстан Республикасының мемлекеттік шекарасынан өте алмаған және Жарысқа қатыса алмайтын жағдайда, ол Ұйымдастыру комитетіне өзінің сөрелік жарнасын «Winter Run» 2025 келесі жүгіру жарысына ауыстыру туралы өтінім бере алады. Бұл жағдайда өтінім беру оны info@almaty-marathon.kz электронды поштасына жіберу арқылы жүзеге асырылады.

17. НАРАЗЫЛЫҚТАР МЕН КІНӘРАТ-ТАЛАПТАР

17.1. Наразылықтар Жарыстың Ұйымдастыру комитетіне беріледі және оларды Жарыстың Төрешілер алқасы қарайды.

17.2. Жарысқа Қатысушы Жарыс аяқталғаннан кейін күнгізбелік 2 (екі) күн ішінде кінәрат-талап қоюға құқылы.

Кінәрат-талаптар info@almaty-marathon.kz электронды поштасына жіберіледі.

Кінәрат-талап қою кезінде Жарысқа қатысушы мына деректерді көрсетуі қажет:

- қатысушының аты-жөні (анонимді өтініштер қаралмайды);
- кінәрат-талаптың мәні, кінәрат-талаптың мазмұны;
- кінәрат-талап қою негіздері (фотосурет немесе бейнежазба).

17.3. Жарыстың Ұйымдастыру комитеті наразылық және/немесе кінәрат-талап алынған мезеттен бастап 2 (екі) күн ішінде Жарыс қатысушысына ресми жауап дайындайды, ол кінәрат-талап/наразылық берілген электронды адреске жіберіледі.

17.4. Кінәрат-талаптар тек Жарыс қатысушыларынан ғана қабылданады.

18. БҰҚАРАЛЫҚ АҚПАРАТ ҚҰРАЛДАРЫН АККРЕДИТТЕУ

18.1. Жарысқа бұқаралық ақпарат құралдарын аккредиттеу алдын ала жүргізіледі. Жарысқа аккредиттеу үшін **2024 жылғы «24» ақпан дейін** prmanager@almaty-marathon.kz электронды поштасына деректерді (БАҚ атауы, тілшінің, оператордың, фотографияның аты-жөні, байланыс телефоны және e-mail адресі) жіберу қажет.

19. ЖАРЫСТЫҢ АҚПАРАТТЫҚ ДЕРЕККӨЗДЕРІ

19.1. Жарыс туралы толық ақпарат www.almaty-marathon.kz интернет-сайтында, сондай-ақ Ұйымдастыру комитетінің төмендегі әлеуметтік желі аккаунттарында орналастырылған:

- <https://vk.com/almatymarathon>;
- <https://www.facebook.com/almatymarathon/>;
- <https://www.instagram.com/almatymarathon/>;
- t.me/almaty_marathon.

Жарыстың Ұйымдастыру комитеті басқа ақпараттық ресурстарда орналастырылған ақпарат үшін жауапкершілік көтермейді.

20. ЖАРЫС ТУРАЛЫ АҚПАРАТТЫ ЖАРИЯЛАУ ҚҰҚЫҚТАРЫ

20.1. Спорттық жарыстың бейнесін және (немесе) дыбысын кез келген тәсілмен және (немесе) кез келген технологияның көмегімен трансляциялау, сондай-ақ аталмыш трансляцияны бейнежазбаға түсіру арқылы Жарыс туралы ақпаратты бұқаралық ақпарат құралдарында жариялаудың айрықша құқығы «Бірінші болу – батылдық» корпоративтік қорына (бұдан әрі — Құқық иесі) тиесілі.

Құқық иесі спорттық жарыс туралы ақпаратты жариялау құқықтарын үшінші тұлғалардың сатып алуы туралы үшінші тұлғалармен жазбаша түрде шарттар жасасуға құқылы.

21. ҚОРЫТЫНДЫ ЕРЕЖЕЛЕР

21.1. Жарысты өткізу туралы осы Ереже Жарысқа қатысуға ресми шақыру болып табылады.

21.2. Ұйымдастыру комитеті Жарысты өткізу туралы осы Ережеге өзгерістер енгізу құқығын өзіне қалдырады.